



Халқ сўзи

Ўзбекистон —
Келажаги
буюк
давлат

2024 йил — ЁШЛАР ВА БИЗНЕСНИ ҚўЛЛАБ-ҚУВВАТЛАШ йили

1991 йил 1 январдан чиқа бошлаган • WWW.XS.UZ • E-mail: Info@xs.uz • 2024 йил 13 август, № 162 (8785)

Сешанба Сайтимизга ўтиш учун QR-кодни телефонингиз орқали сканер қилинг.



БИР БЎЛСАК — ЯГОНА ХАЛҚМИЗ, БИРЛАШСАК — ВАТАНМИЗ!

Янги Ўзбекистоннинг Музаффар Спортчилари

Франциянинг Париж шаҳрида бўлиб ўтган XXXIII ёзги Олимпия ўйинлари иштирокчилари тантанали кутиб олинди.



Энг улуг, энг азиз байрам — Ватанмиз мустақиллигининг 33 йиллигини нишонлаш арафасида. Ортга назар ташлаб,

ўтаётган йилларга, кунларга боқиб, истиқлол аталмиш буюк неъмат халқимизга нафақат ўз тақдирини ўзи белгилаш ҳуқуқини, озод-

лик ва ҳурлик нафасини берганини, балки дунёда тенглар ичра тенг бўлиш, жаҳонда азалий-тарихий ўрнини қайта тиклаш, қан-

дай буюк зотларнинг авлоди эканлигимизни исботлаш имкониятини тўхфа этганини янада теран англаймиз.

Ўзбекистон Республикаси Президентининг ФАРМОНИ

ИШ ҲАҚИ, ПЕНСИЯЛАР ВА НАФАҚАЛАР МИҚДОРINI ОШИРИШ ТЎҒРИСИДА

Аҳоли турмуш даражасини оширишга қаратилган чора-тадбирлар кўламини кенгайтириш, фуқароларнинг даромадларини изчил ошириб бориш сиёсатини давом эттириш ҳамда уларнинг ижтимоий муҳофазасини кучайтириш, шунингдек, педагог ва тиббиёт ходимлари меҳнатини қўшимча рағбатлантириш мақсадида:

1. 2024 йил 1 сентябрдан бошлаб пенсиялар ва нафақалар миқдори 15 фоизга оширилсин. Бунда: пенсияни ҳисоблашнинг базавий миқдори — ойига 428 000 сўм этиб; ёшга доир энг кам пенсия миқдори — ойига 834 000 сўм этиб;

ногиронлик пенсияларининг энг кам миқдори — ойига 920 000 сўм этиб;

фуқароларга тўланадиган бошқа пенсиялар ва нафақалар миқдорлари иловага мувофиқ белгилансин.

2. 2024 йил 1 октябрдан бошлаб:

бюджет ташкилотларида ишловчи тиббиёт ходимлари, шунингдек, мактабгача, умумтаълим, ўрта махсус, профессионал ва мактабдан ташқари таълим муассасалари ва ташкилотлари, "Мурувват" интернат уйлари,

"Меҳрибонлик" ва Болалар уйлари, болалар санаторийларида ишловчи педагог ходимларининг иш ҳақи миқдори — 15 фоизга оширилсин;

бюджет ташкилотлари ходимларининг иш ҳақи миқдори — 10 фоизга оширилсин, мазкур банднинг иккинчи хатбошида назарда тутилган ходимлар бундан мустасно; меҳнатга ҳақ тўлашининг энг кам миқдори — ойига 1 155 000 сўм этиб белгилансин;

базавий ҳисоблаш миқдори — 375 000 сўм этиб белгилансин.

3. Бюджет ташкилотлари ходимларининг иш ҳақлари, пенсиялар ва нафақалар миқдори оширилиши билан боғлиқ харажатлар Ўзбекистон Республикаси Давлат бюджети ҳамда Иқтисодиёт ва молия вазирлиги ҳузуридаги бюджетдан ташқари Пенсия жамғармаси маблағлари ҳисобидан қоплансин.

4. Иш бевуриларга иш ҳақи миқдорини қонунчилик ҳужжатларида белгиланган меҳнатга ҳақ тўлашининг энг кам миқдоридан кам бўлмаган ҳолда тўлашни таъминлаб, иш ҳақи миқдорини меҳнатга ҳақ тўлашининг энг кам миқдорига мувофиқ ошириш тавсия этилсин.

5. Иқтисодиёт ва молия вазирлиги Ўзбекистон Миллий ахборот агентлиги, Ўзбекистон Миллий телерадиокомпанияси ҳамда Ахборот ва оммавий коммуникациялар агентлиги билан биргаликда ушбу Фармоннинг мақсади, вазифалари ва ундан қўллаётган натижаларни оммавий ахборот воситалари, интернет ва ижтимоий тармоқларда кенг ёритиш ишларини ташкил қилсин.

6. Мазкур Фармоннинг ижросини таъминлаш учун масъул ва шахсий жавобгар этиб Бош вазир ўринбосари Ж.А.Қўчқоров белгилансин.

Фармон ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш Ўзбекистон Республикаси Бош вазири А.Н.Арипов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент шаҳри, 2024 йил 12 август

МУЛОҚОТ

ДЕПУТАТЛИК НАЗОРАТИНИ ЎРНАТИШ БОРАСИДАГИ ИШЛАР ТАНҚИДИЙ ТАҲЛИЛ ҚИЛИНДИ

Авал хабар берганимиздек, Олий Мажлис Сенати Раиси Танзила Норбоева пойтахтимизнинг Яшнобод ва Мирзо Улугбек туманларида бўлди.

Ташриф доирасида хотин-қизлар бандлигини таъминлаш, тадбиркорликни ривожлантириш, касб-хунарларга ўқитиш бўйича пойтахт туманларида амалга оширилаётган ишлар ҳолати танқидий кўриб чиқилди.

Аҳоли бандлиги эришиш, даромадини ошириш, маҳаллаларни ривожлантириш бўйича аниқ манзилли чораларни белгилаш ва амалга оширилишини таъминлаш муҳимлиги таъкидланди.

Айниқса, хотин-қизларнинг даромад манбаини оширишда барча масъулларнинг саъй-ҳаракатларини бирлаштириш, бунда тегишли раҳбарларнинг масъулиятини кучайтириш чораларини кўриш муҳимлиги қайд этилди.

ТУМАНЛАРНИ ИҚТИСОДИЙ РИВОЖЛАНТИРИШ ВА АҲОЛИ ДАРОМАДИНИ ОШИРИШ ЧОРАЛАРИ МУҲОКАМА ҚИЛИНДИ

Президент Шавкат Мирзиёев раислигида 12 август куни туманларни иқтисодий ривожлантириш, муқобил энергия манбаларини жорий этиш ҳамда sanoat корхоналари учун жозибдор шароитлар яратиш чора-тадбирлари бўйича видеоселектор йиғилиши ўтказилди.

Маълумки, юртимизда аҳоли бандлигини таъминлаш ва тадбиркорликни ривожлантириш бўйича Сайхунобод, Уйчи, Зарбдор ва Гиждувон тажрибалари йўлга қўйилган. Йиғилишда аввалида шу борадаги ишларнинг натижадорлиги кўриб чиқилди.

Масалан, Сайхунобод тажрибаси бўйича ҳар бир маҳаллада 10 тадан микро-лойиҳа қилиш вазифаси қўйилган. Бу орқали республикада жами 132 мингта микро-лойиҳа ишга туширилиб, 242 минг кишининг бандлиги таъминланган. Лекин 26 та тумандаги 46 та маҳаллада бу ишлар суст кетмоқда.

Уйчи тажрибаси асосида банклар миқдори билан ишлаб, республика бўйича 500 мингта янги иш жойи очилган. Аммо 15 та туман ва шаҳарда натижа етарли эмас.

Гиждувон тажрибаси мингта маҳаллада кўп қаватли sanoat бинолари ташкил этишга, Зарбдор тажрибаси жойларда драйвер лойиҳалар қилишга қаратилган.

Ушбу 4 та туман тажрибаси давлат сиёсати экани таъкидланиб, уларни бажаришда сусткашликка йўл қўйган раҳбарларга қаттиқ чора кўрилиши ҳақида огоҳлантирилди. Умуман, тажрибаларнинг ҳар бири бўйича масъулларга аниқ "КР" белгиланиб, ижроси устидан қатъий сўров бўлиши таъкидланди.

Йиғилиш кун тартибидан...

Ифтихор

ҲАМИША ОЛАМ АРО ҚУЧ ЗАФАР, ЎЗБЕКISTON!

Она юртим қадами ҳар доим бўлган қутлуғ, Меҳри бекиёс, танти, қуёшдай ўчмас ўтлуғ. Унга эзулик ҳамроҳ, унда бордир матонат. Ўзи беқайд эғилмас сира сабру қаноат.

Бағрикенглик азалдан боболардан меросидир, Авлодлари Алпомиш, Барчинойларга хосдир. Баҳам кўрган ҳаттоки қолган парча нонини, Доимо сақлаб келган шараф ила шонини.

Дунё ўзи беҳудуд, кураш авж олган майдон, Унда тик туролганлар бўлмай албат, қахрамон. Қўларда ҳилпираган хуш ният байроғидир, Бу дўстлик беллашуви, орият сабоғидир.

Юрт ишончин оқлай деб майдон тушса ўзбегим, Келди қалбим тўридан "Олга, ўзбегим!" дегим. Халқим дуо қилганда, тўлиб-тошиб юраклар, Бирма-бир ерга тегди қанча-қанча курақлар.

Байроғимиз юксакда, янграша мадҳиямиз, Қўзларда ёш, кузатлик "Яша, балли!" дея биз. Олим китоби аро Ватан номин нақш этди, Бу дилларга чексиз бахт, ифтихорлар бахш этди.

Толей ярқираган ҳар ёшнинг пешонаси, Шода-шода медаллар — голиблик нишонаси. Музаффарлик хабарин яйраб эшитган заҳот, Юртбоши ҳам қутлади — авлодлардан дили шод.

Голиблик суруридан эл қалқиб денгиз мисол, Алқамоққа ошди фарзандларин бетимсол. Бугун улар мамун ўз жигаргўшаларидан, Байрам қилиб боришар пойтахт кўчаларидан.

Қўриб қувна, эй ҳаёт, голиблик нашидасин, Асрлардан асрга ўтган шон қасдасин. Илло, битмағай ахир бу сафар, Ўзбекистон, Ҳамиша олам аро қуч зафар, Ўзбекистон!

Ўткир РАҲМАТ

Мен айна дамда минтақанинг геосиёсий манзараси, бугунги кундаги мавқеи борасида батафсил тўхталмоқчи эмасман. Ҳозир айна жараёнларга бевосита таъсир этиш қувватига эга бўлган, сиёсатчилар тили билан айтганда, ҳақли маънода минтақанинг геосиёсий акторига айланиб бораётган Янги Ўзбекистонимизнинг дадил қадамлари, кундан-кун ошиб, юксалаётган халқаро имижи борасидаги мухтасар фикрларим билан ўртоқлашмоқчиман. Очиги, мени бугун айтмас бўлмайдиган, юрагимни тўлқинлантириб юборган қувончли воқеалар ёзишга ундади, қўлимга қалам олишга мажбур этди десам, тўғри гапни айтган бўламан.

УЙҒОНАЁТГАШ АРСЛОП



